



Agathe Fontain  
Inatsisartunut ilaasortaq, Inuit Ataqatigiit

## § 37 naapertorlugu apeqputip nr. 014/2021-p akineqarnera.

27-01-2022  
Suliap normua 2022 - 1907  
All. nr. 19074326

Asasara Agathe Fontain

Inatsisartut suleriaasianni § 37-mi, imm. 1 naapertorlugu Naalakkersuisunut apeqputeqarputit. Naalakkersuisut apeqputinut tullinnguuttumi issuarneqartunut akissuteqartinneqartunullu qujapput.

Postboks 1160  
Oqarasuaat: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

### 1. Nakorsaat PrEp nakorsaat Truvuda kissaatigineqarpat, pisariaqartitsisunut tamanut agguanneqarsinaavaa? Taamaangippat suna peqquataava ?

#### Akissut:

Naalakkersuisuniit ilisimatitsissutigisinnaavarput innuttaasut Kalaallit Nunaannut nuuttut nakorsaataat nakorsatinillu pisinnaaneranut nakorsat uppersaataat misissorneqartartut. Tamatuma saniatigut nakorsaat immikkut Kalaallit Nunaanni tunniunneqartartussat allattorsimaffiinut ilanngunneqarsimangippat nakorsaat Nakorsaatit pillugit ataatsimiititaliamit akuerisaasoq tigorianaanngorlugu uppersarneqarsimasoq aaneqartuaannarsinnaavoq. Tassunga atatillugu nakorsaat, nakorsaatit uppersarneqarsimasut allattorsimaffiinut ilanngunneqarsimangippat, innuttaasoq allamik nakorsaammik tassa nakorsaatissaraluami assinganik akulimmik pinissaanut siunnersorneqassaaq. Tamatuma saniatigut Naalakkersuisuniit ilisimatitsissutigineqassaaq, Peqqinnissaqarfik (Nuummi Nakorsaaserisut) akisussaammata Kalaallit Nunaanni HIV-eqarlutik nappaatilinnut nakorsaatitortitsisarnissamut aammalu Truvuda HIV-eqartunut nakorsaasiunneqartartoq Kalaallit Nunaanni Peqqinnissaqarfimmit atugaareerpoq.

#### 1.a. Naaggaaruit, taavami

#### Akissut:

Naalakkersuisuniit ilisimatitsissutigisinnaavarput, prEP immikkut ittutigut nakorsaataangilaq taamaattorli HIV-mut pinaveersaartitsinermut akulik tunngaviummik nakorsaasiunneqartartuuvoq. Taamaammat prEP HIV-mik arlalitsigut kikkunnulluuniit tunillatseriataarsinnaasutut atugalinnit atorneqarsinnaavoq. HIV-eertunut nakorsaat akisullunilu arlalitsigut ajoqusiinnaasunik kingunerluutaasinnaasunik akoqarpoq. Taamaammat peqqinnissaqarfinni immikkut ilisimasalinnit akuttunngitsumik misissuisoqartarnissaa pisariaqarpoq. Danmarkimi

immikkut aseruuttortarnermut nakorsaasersuinermut immikkoortortani misissuinerit taamaattut ingerlanneqartarput Kalaallili Nunaanni tamanna periarfissaanngilaq. Taammaamat Kalaallit Nunaanni PrEP atorlugu nakorsaasersuisoqarneq ajorpoq. HIV-imik nappaateqalissanngikkaanni atoqatiginnermi usuup puua atorneqartaruni isumannaannerpaasoq uani oqaatigisinnaavarput.

**2. Alpend (Naltrexon) nakorsaat tunniunneqartarsinnaava tamanut pisariaqartitsisunut? a. Naaggaarneqarpat suna peqqutaava?**

**Akissut:**

Naalackersuisuniit ilisimatitsissutigisinnaavarput Naltrexon nakorsaatip aangajaarniutiguttarneq annikillisarinnammagu innuttaasunullu tunngaviusumik imigassamik atorerluiuinnaarnissamut katsorsartittunut tunniunneqartartoq. Ullumikkut nakorsaat Allorfimmi nakorsaasup tunniunneqarsinnaaneranut uppersartarparaa kingornalu napparsimavimmut/peqqissaavimmut qaninnerusumut nassiunneqartarpoq. Ilisimatitsissutigisinnaavarput nakorsaat atorneqartarmat ilaliussatut innuttaasunut sakkortuumik pisariaqartitsisartunut oqaloqatigineqartartunut. Tamatuma kingorna nakorsamiit katsorsaasumillu qulakkeerniarlugu aangajaarniutitortarnerup appartikkiartornissaanut iluaqutaanersoq naliliivigineqartarpoq. Sakkortuumik pisariaqartitsisunut aallarniutigalugu nakorsaasiunneqartartoq tassaavoq Acamprosat taammaamat Naltrexon Kalaallit Nunaanni ikittuinnarnit atorneqarpoq.

Aammattaaq oqaatigisinnaavarput Naltrexon innuttaasunut soorlu morfin-italinnik allanik nakorsaatitortinneqareersunut tunniunneqarsinnaanngilaq.

Inussiarnersumik Inuulluaqqusillunga



Pele Broberg